



Broj: UP1-05/1-27-033772/15  
Tuzla, 10.12.2015. godine.

Ministarstvo trgovine, turizma i saobraćaja Tuzlanskog kantona rješavajući po zahtjevu prijevoznika „OBOLS TRADE“ d.o.o. i „SNIJEŽNICAPROMET“ d.o.o. iz Teočaka za brisanje autobuske stanice, na redu vožnje kantonalne autobusne linije BILALIĆI - TEOČAK – TUZLA M.A.S., a koju prijevoznici obavljaju u kooperaciji, na osnovu člana 52. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra ("Službeni novine FBiH", br. 79/13, 91/14, 98/14 i 84/15) i člana 200. Zakona o upravnom postupku („Službene novine FBiH“, br. 2/98 i 48/99), donosi

## RJEŠENJE

1. Prijevoznicima „OBOLS TRADE“ d.o.o. i „SNIJEŽNICAPROMET“ d.o.o. iz Teočaka **ODOBRAVA SE** brisanje „Autobuske stanice Simin Han“ upisane u stari red vožnje na kantonalnoj liniji **BILALIĆI - TEOČAK - TUZLA M.A.S.** sa vremenom polaska iz Bilalića u 05,30; 06,20; 08,30; 10,59; 14,00 i 16,00 i vremenom povratka iz Tuzle u 06,59; 09,39; 11,29; 13,39; 16,00 i 19,10, a koji je zaveden u registar kantonalnih redova vožnje pod brojem: 17-1/2012 od 05.10.2012. godine i koji prijevoznici obavljaju u kooperaciji.
2. U skladu sa tačkom 1. ovog rješenja izvršiti ovjeru reda vožnje i itinerara sa rokom važenja do 31.03.2016. godine.
3. O izmjeni reda vožnje na navedenoj liniji prijevoznik je dužan obavijestiti autobuske stanice koje ima upisane na registrovanom redu vožnje.

## O b r a z l o ž e n j e

Prijevoznici „OBOLS TRADE“ d.o.o. i „SNIJEŽNICAPROMET“ d.o.o. iz Teočaka obratili su se zahtjevom od 13.11.2015. godine, te dopunama zahtjeva od 16.11.2015. godine, i 04.12.2015. godine, kojim traže da im se na kantonalnoj autobuskoj liniji BILALIĆI - TEOČAK – TUZLA M.A.S., koju obavljaju u kooperaciji, zavedenoj u registar kantonalnih redova vožnje pod brojem 17-1/2012 od 05.10.2012. godine, odobri promjena, tj. brisanje „Autobuske stanice Simin Han“ koju imaju upisanu u registrovanom redu vožnje.

U skladu sa članom 52. Pravilnika o načinu, kriterijima i postupku usklađivanja, ovjeri i registraciji redova vožnje, te sadržaju i načinu vođenja registra u registracijskom periodu, izvan postupka koji je regulisan ovim Pravilnikom, mjerodavno tijelo koje vodi Registar može vršiti promjene na registrovanom redu vožnje, tako da taj red vožnje u odnosu na usaglašeni i registrovani red vožnje ima status starog reda vožnje sa statusnom promjenom.